

Minister Xiomara Ruiz Maduro SNBA y PARA a reuni tocante desaroyo economico pa San Nicolas

Ta pensa riba Festival Multicultural pa expone nan musica, baile y gastronomia

ORANJESTAD – Diamars ultimo Minister di Finansa, Asuntonan Economico y Cultura señora mr. Xiomara Ruiz-Maduro a reuni cu San Nicolas Business Association. Durante e reunion a elabora riba e ideanan y plannan pa e desaroyo di San Nicolas. Puntanan cu a bin dilanti ta e deseo pa por tin un plan integral pa desaroyo di San Nicolas den cual lo tin participacion activo di personanan cu ta biba, traha of haci negoshi na San Nicolas. Tambe a ser treci dilanti e deseo pa por tin mas servicio publico na San Nicolas pa asina por facilita usuarioman di pariba di brug cu mas ser-



vicio di por ehempel Departamento di Impuesto. Tambe a bin dilanti e deseo pa un incentiva fiscal pa San Nicolas cu lo por yuda Tambe e siman aki Minister di Finansa, Asuntonan Economico y Cultura mr. Xiomara Ruiz-Maduro a reuni cu algun miem-

bro di e grupo PARA riba nan idea con pa trece mas movicion pa San Nicolas. E grupo a enfatisa cu ta importante pa proyectonan pa San Nicolas wordo pensa, acepta y implementa pa habitantenan di San Nicolas mes. Durante e reunion a trece dilanti entre otro



riba e idea di un festival multicultural na unda cu grupo di diferente nacionalidad cu a integra den e comunidad na San Nicolas por expone nan musica, baile y gastronomia. Locual ta importante ta pa San Nicolas por conoce proyectonan cu ta sigura e fluho di persona y negoshi

pa asina brinda empuhe na inversionista pa trece mas actividad economico na San Nicolas. Ambos reunion a bay den hopi bon esfera y ta mira dilanti pa sigui traha riba e puntanan treci padilanti pa crea mas oportunidad pa desaroyo economico na San Nicolas y bicendario.